

# Moras virus Corona 2019 (COVID-19)

Relatóriu Situasaun – 147

## Timor-Leste



World Health  
Organization

Timor-Leste

\*Dadus relata to'o loron 19 Abril 2022 (kobertura husi 6-19 Abril 2022)

### SITUASAUN IHA NÚMERU

#### TIMOR-LESTE



Kumulativu  
**22,853 (16)**



Rekuperadu (foun)  
**22,704 (8)**



Kazu ativu  
**19**



Óbitu (foun)  
**130 (0)**

#### PROGRESU IMUNIZASAUN COVID-19



Doze 1<sup>a</sup> – **778,776**  
Kobertura – **81.4%\*\***



Doze 2<sup>a</sup> – **606,034**  
Kobertura – **73.1%\*\***

\* Bazeia ba dadus ne'ebé pública husi [Ministerio da Saúde](#)

\*\* Ba populasaun adultu tinan 18 ba leten

#### GLÓBÁL



Kazu  
**500,186,525**



Óbitu  
**6,152,095**

#### PROGRESU IMUNIZASAUN COVID-19



Doze vasina  
**11,183,087,530**

### SUMÁRIU


- Dezde edisaun ikus relatóriu situasaun, Ministériu Saúde relata kazu foun COVID-19 hamutuk **16**, kazu rekuperadu **8** no kazu óbitu **0** durante **loron 14 ikus nia laran**. Númeru kazu insidente nafatin iha nível ki'ik.
- Iha loron 14 April Loron Mundál Saúde. Ministériu Saúde ho Organizasaun Mundiál Saúde Timor-Leste hala'o ona atividade balun hodi komemora eventu ida ne'e, inklui sorumutu ida ho tema "Ita nia Planeta, Ita nia Saúde", kuda ai-oan, no lansa Planu Adaptasaun Nasional ba Alterasaun Klimátika iha Timor-Leste 2021-2026 no dokumentu seluk tan.
- Iha loron 12 Abril, Ministériu Saúde nia ekipa saúde porto, ho apoiu tékniku no finanseiru husi OMS-TLS no Uniaun Europeia, hala'o ona ezersísiu simulasaun, treinamentu kona-ba *database* pasajeiru no orientasaun ba pesóal fronteira sira iha fronteira terrestre Sakato, RAEOA. Nia objetivu mak hodi haforsa prevensaun no vijilánsia COVID-19 ba pasajeiru ininternasional sira ne'ebé mak tama mai depoizde governu hamenus tiha restrisaun COVID-19 nian inklui rekerementu teste no kuarentena. Ekipa ne'e evalua prosedimentu atual nia pontu forte no lacuna sira hodi garantia operasaun normal no la'o ho di'ak.

- Laboratóriu Nasional Saúde ho suporta husi OMS, estabelese ona laboratóriu *TB line probe assay (LPA)* ba diagnóstiku ba TB resistente ba medikamentus.
- OMS-TLS apoiu ekipa saúde SABEH no mos ekipa saúde SSK Comoro, Vera Cruz, Formosa, Becora no Metinaru hodi hala'o vasinasaun *door-to-door* hodi bele atinji tarjetu vasinasaun.
- UNICEF no OMS servisu hamutuk ho MS hodi planu no prevee nesesidade vasina COVID-19 iha fulan hirak tuir mai. UNICEF sei hatama doze Pfizer adisional hamutuk 150,000 doze iha fulan Maiu nia rohan, ho fundus husi Governu Australia, ba vasinasaun ba sira ne'ebé elijivel tinan 12 ba leten. Bazeia ba planu implantasaun vasina ne'ebé hetan ona akordu husi MS, UNICEF sei hodi tan doze adisional hamutuk 150,000 vasina Pfizer iha fulan Agustu ka Setembru 2022 nia laran liu husi facilidade COVAX.

## ATUALIZASAUN EPIDEMIOLÓJIKU

### 1. Kazu COVID-19 kumulativu no kazu foun, relata to'o loron 19 Abril 2022

Hanesan hatudu iha gráfiku epi tuir mai ne'e, número kazu insidente sei continua ho tendénsia desendente iha períodu relatóriu atual.



### 2. Distribuisaun kazu no kazu óbitu tuir munisípiu

Distribusaun kazu foun ne'ebé relata, kazu recuperadu no kazu ativu tuir munisípiu, to'o loron 19 Abril 2022

Munisípiu	Kazu foun (6-19 Apr. 2022)	Loron 7 - mudansa % (kazu)*	Kazu kumulativu	Kazu rekuperadu (6-19 Apr. 2022)	Kazu rekuperadu kumulativu	Kazu óbitu foun (6-19 Apr. 2022)	Kazu óbitu kumulativu	Kazu ativu (19 Apr. 2022)
Aileu	0	0	136	0	135	0	1	0
Ainaro	0	0	303	0	300	0	3	0
Baucau	0	0	1626	0	1619	0	7	0
Bobonaro	0	100	744	2	734	0	10	0
Covalima	0	0	838	0	835	0	3	0

Dili	9	13	16281	0	16185	0	88	8
Ermera	0	0	1120	0	1118	0	2	0
Lautem	0	0	187	0	182	0	5	0
Liquica	0	0	132	0	131	0	1	0
Manatuto	0	0	240	0	238	0	2	0
Manufahi	0	0	272	0	272	0	0	0
RAEOA	7	-46	455	6	441	0	3	11
Viqueque	0	0	519	0	514	0	5	0
<b>TOTAL</b>	<b>16</b>	<b>-38</b>	<b>22853</b>	<b>8</b>	<b>22704</b>	<b>0</b>	<b>130</b>	<b>19</b>

\*Mudansa kazu COVID-19 kompara ho loron 14 ikus

- Total kazu foun hamutuk 16 ne'ebé relata iha períodu relatóriu ne'e (6-19 Apr. 2022), ho redusaun 38% kompara ho loron 14 ikus. Kazu sira ne'e hotu detekta iha munisípiu Dili no Oecusse.
- Laiha kazu óbitu ne'ebé relata husi Timor-Leste iha períodu relatóriu ida ne'e.
- Númeru kazu ativu agora to'o loron 19 Apr. 2022 hamutuk na'in-19.

### 3. Teste diáriu, taxa pozitivu no taxa teste positividade

Durante data relatóriu atuál ne'e husi loron 6-19 Apr. 2022, halo ona teste ba amostra 2,631, aas liu loron 14 liu ba iha ne'ebé teste ba amostra hamutuk 2,489.

Taxa teste positividade husi periodu relatóriu ida ne'e ho médiu 0.6% (kompara ho 1.0% iha loron 14 ikus liu ba).

## JESTAUN KAZU COVID-19

Dezde 31 Marsu 2022, laiha pasiente mak daudauk ne'e admite iha Sentru Izolamentu Dili (Vera Cruz and Tasi-Tolu).

## IMUNIZASAUN COVID-19

Iha loron hakerek relatóriu ida ne'e (19 Apr. 2022 dadeer), total doze vasina COVID-19 ne'ebé administra iha Timor-Leste hamutuk 1,423,726 kompostu husi doze dahuluk 778,776 (kobertura 84.6% entre populasaun idade 18 no liu no 81.4% entre populasaun idade 12 no liu) no doze daruak 606,034 (kobertura 72.1% entre populasaun idade 18 no liu, 63.3% entre populasaun idade 12 no liu), doze *booster* 47,905 (kobertura 5.0% entre populasaun

idade 12 no liu) maka administra ona iha territóriu Timor-Leste tomak. Detallu husi númeru doze vasina ne'ebé administra ona no kobertura tuir produktu vasina no doze vasina nian bele refere ba Tabela 1 no figura 1 tuir mai ne'e.

Tabela 1: Númeru doze vasina COVID-19 ne'ebé administra ona no kobertura iha Dili no Timor-Leste tuir vasina nia marka no doze sira, atualizada to'o 10:00hrs 19/04/2022





Figura 1: Kobertura vasina COVID-19 ba populasan tinan 18 ba leten tur munisípiu iha Timor-Leste atualizada 10:00hrs 19/04/2022



## ANALIZE SITUASAUN

- Timor-Leste nafatin iha nível transmisau COVID-19 ne'ebé ki'ik. Laiha kazu ne'ebé presiza ospitalizasaun no laiha kazu óbitu ne'ebé relata daudauk ne'e. Ida ne'e partikularmente fo rekonfortu hafoin primeira ronde ba eleisaun prezidensial iha Marsu, iha ne'ebé ema barak halibur malu iha grupu boot durante kampaña relasiona ho eleisaun akontese iha fatin fatin.
- Daudauk ne'e esforsu vijilánsia nian nafatin kontinua, iha ne'ebé amosta sira kolekta ona husi fatin sentinela sir aba vijilánsia integradu ba influenza no COVID-19. Iha número infeisaun ba influenza no co-infeisaun COVID-19 ho influenza ne'ebé aumenta durante primeira trimestre 2022. Teste no análise liu tan daudauk ne'e sei hala'o hela.

## REKURSU NE'EBÉ DISPONIVEL

- [Ba públiku jerál no profesionál saúde sira kona-ba prevensaun, tratamentu, no vasina, nsst.](#)
- [Rekomendasaun OMS ba Desizaun Relasiona ho COVID-19](#)

- Kursu gratuita iha Tetum – [OpenWHO.org](https://openwho.org)

## KONTAKTU MÉDIA NO INFORMASAUN KONA-BA COVID-19

- Ministériu Saúde estabelese ona númeru *hotline* – 119 – ba COVID-19 ne'ebé maka ema hotu-hotu bele kontaktu hodi hetan informasaun relasiona ho COVID-19
- Alende ne'e, [Páijina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
- OMS Timor-Leste liuhusi nia [Páijina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba [hasane@who.int](mailto:hasane@who.int) ka [wcotimorleste@who.int](mailto:wcotimorleste@who.int)